





古書卷之四十九

西吳 孫策 孫權 孫尚

東吳 呂蒙 呂範 呂

孫權 孫策 孫尚

大

文

天

地

水

火

古樂苑卷第四十九

西吳 梅鼎祚 補正

東越 呂胤昌 校閱

襍歌謠辭 諺語附
南北朝

宋

歌 檀道濟歌 異苑曰檀道濟元嘉中鎮尋陽十二
年入朝與家分別顧瞻城闕戲歎逾

深識者是知道濟之不南旋也故
時人爲其歌以十三年三月伏誅

主人作死別荼毒當奈何

宋人歌 檀道濟宋之良將有威名爲敵所畏
宋主疑而殺之時人哀而作歌曰

可憐白浮鳩枉殺檀江州



謠

跋扈謠

宋書武帝紀曰諸葛長人貪淫驕縱帝每優容之劉毅既誅長人懼禍及將謀

作亂帝自江陵還長人到門引前却人閑語帝已密命左右丁旡自慢後於坐拉焉歿牀側輿屍付廷尉旡驍勇有力時人語曰

勿跋扈付丁旡

謝靈運謠

宋書五行志曰陳郡謝靈運有逸才每出入自扶接者常數人民間謠曰

四人挈衣裾三人捉坐席

元嘉中魏地童謠

南史曰宋元嘉二十七年魏太武帝圍汝南戍文帝遣臧

質北救至旡貽太武已過淮自廣陵返攻攻旡貽就質求酒質封漫便與之且報書云不聞童謠言邪虜馬飲江水佛狸歿邪年冥期使然非復人事爾智識乃衆豈能勝苻堅邪頃年展爾陸梁者是爾未飲江太歲未卯耳時魏地有童謠故質引之云

輶車北來如穿雉不意虜馬飲江水虜主北歸石濟次虜欲渡江天不徙

大明中謠

南史曰大明中有奚顯度者為員外散騎侍郎孝武嘗使主領人功而苛虐無道動加捶撻暑雨寒雪不聽暫休人不堪命時建康縣考囚或用方材壓額及蹀脛故民間有此謠又相戲易反顧付奚度其暴酷如此

寧得建康壓額不能受奚度拍

王張謠

南史曰明帝以王景文外戚貴盛張永累經軍旅疑其將來難信乃自為謠言

一士不可親弓長射殺人

泰始中童謠

南齊書五行志曰明帝殺建安王休仁蘇侃云後從帝自東城即位

東城出天子

武進縣上所居東城里也

禾絹謠

南史曰宋明帝時阮佃夫楊運長王道隆皆擅威權言為詔敕郡守令長一缺

十除内外混然官以賄命王阮家富於宮室中書舍人胡母顥專權奏無不可時人語曰

云云禾絹謂上也

禾絹閉眼諾胡母大張橐

元徽中童謠

齊書五行志曰元徽中童謠後沈攸之反雍州刺史張敬兒襲江陵

殺攸之子元填等

襄陽白銅蹄郎殺荊州兒

童謠

南史曰齊高帝輔政袁粲劉彥節王蘊等皆不同而沈攸之又稱兵反粲蘊雖敗攸

之尚存下彬意猶以高帝事無所成乃謂帝曰比聞謠云云公頗聞不時蘊居父憂與粲

同歿故云尸著服也服衣也孝子不在日代哭者褚子也彬謂沈攸之得志褚彥回當敗

故言哭也列管謂簫也高帝不悅及彬退曰彬自作此

可憐可念尸著服孝子不在日代哭列管暫鳴死滅族

宋時謠

南史曰宋時用人乖實有謠云通典齊梁之末多以貴遊子弟為之當時諺曰

上車不落為著作體中何如作秘書

隋書作梁世諺為字一並作則

諺

語

南史入關之功鎮惡為首沈田子與鎮惡爭功武帝將歸留田子與鎮惡私謂田子語曰

云云卿等十餘人何懼王鎮惡故二人常有猜心

猛獸不如羣狐

京邑語

宋書成安公何勗臨汝公孟靈休並各奢豪以肴膳器服車馬相尚京邑語曰

安成食臨汝飾

諺

宋書顏延之為庭誥之文引諺曰

富則盛貧則病

顏竣

宋書曰顏竣爲吏部尚書留心選舉任遇既隆奏無不可後謝莊代竣意多不行竣

容貌嚴毅莊風姿甚美賓客喧訴常懽笑答之時人語曰

顏竣嗔而與人官謝莊笑而不與人官

將士語

宋書王玄謨傳曰玄謨性嚴尅少恩而將軍宗越御下更苛酷軍士爲之語曰

寧作五年徒不逢王玄謨玄謨猶自可宗越更殺我

鬪場語

南史曰有惠嚴惠議道人並住東安寺學行精整爲道俗所推時鬪場寺多禪

師都下爲之語曰

鬪場禪師窟東安談議林

石城語

南史曰袁粲謀舉兵誅齊高帝褚淵發其謀粲兵敗遇害淵獨輔政百姓語曰

可憐石頭城寧為袁粲死不作褚淵生

南史本傳褚淵作彥回

二王語

南史曰宋德既衰齊高帝輔政朝野之人情懷彼此吏部尚書王延之尚書令

王僧虔中立無所去就時人語曰

二王居平不送不迎

居齊書作持

王遠

蕭子顯齊書曰王孫祐父遠為光祿勳宋世為之語曰

王遠如屏風屈曲從俗能蔽風露

識

南史宋武帝紀雍州刺史魯宗之負力好亂且慮不為帝容常為識曰云云

魚登日輔帝室

識

宋書符瑞志

二口建戈不能方兩金相刻疑神鋒空穴無主奇入中

女子獨立又為雙

老子河洛識二口建戈劉字也晉氏金行劉姓又有金故曰兩金相刻空

穴無主奇入中為寄字女子獨立又為雙奴字按宋武帝姓劉小字寄奴

上五盡寄致太平草付合成集羣英

劉向識武帝小諱寄奴太子諱義符

金雌詩

大火有心水抱之悠悠百年是其時

火宋之分野水宋之德也

云出而雨漸欲舉短如之何乃相咀交哉亂也當何所

唯有隱巖殖禾黍西南之朋因桓父

兩云玄字也短者云胙短也巖隱不

見唯應見谷殖禾黍邊則聖諱炳明也易曰西南得朋故能困桓父也武帝名裕起兵討桓玄誅之

齊

歌永明初歌

齊書五行志曰永明初百姓歌後句問云陶郎來白者金色馬者兵事三

年妖賊唐寓之
起言唐來勞也

白馬向城啼欲得城邊草

東昏時百姓歌

金陵志曰齊東昏侯卽臺城閱武堂爲芳樂苑山石皆塗以彩

色跨池水立紫閣諸樓觀又於苑中立店肆以潘妃爲市令于時百姓歌云

閱武堂種楊柳至尊屠肉潘妃沽酒

蘇小小歌

一曰錢塘蘇小小歌樂府廣題曰蘇小小錢塘名倡也蓋南齊時人西陵

在錢塘江之西歌云西陵松柏下是也

妾乘油壁車郎騎青驄馬何處結同心西陵松柏下

謠

永明中虜中童謠

南齊書五行志曰尋而京師人家忽生火赤於常火熱小

微貴賤爭取以治病後梁以火德興

黑水流北赤火入齊

南史載魏地謠言云赤火南流喪南國是歲有沙門從北齊此火而至

永元元年童謠

齊書五行志曰永元元年童謠千里流者江祐也東城遙光也

遙光夜舉事垣歷生者烏皮袴褶往奔之跛脚亦遙光老姥子孝字之象徐孝嗣也

洋洋千里流流翬東城頭烏馬烏皮袴三更相告訴脚

跛不得起誤殺老姥子

永元中童謠

齊五行志曰永元中童謠云云識者解云陳顯達屬豬崔慧景屬馬

非也東昏侯屬豬馬子未詳梁王屬龍蕭穎

胃屬虎崔慧景攻臺頓廣莫門外時年六十

三鳥集傳舍郎所謂瞻鳥爰止于誰之屋三

八二十四起建元元年至中興二年二十四

年也摧折景陽樓亦高臺傾之意也言天下將去乃得休息

野豬雖嗥嗥馬子空間渠不知龍與虎飲食江南墟七

九六十三廣莫人無餘烏隼傳舍頭今汝得寬休但看
三八後摧折景陽樓

楊婆兒謠

魏書齊主昭業令女巫楊氏禱祝速求天位楊氏子珉亦有美貌何氏猶

愛悅之昭業呼楊氏爲婆劉氏以來民間作楊婆兒歌蓋爲此也唐書樂志楊叛兒本童謠歌齊隆昌時女巫之子楊旻隨母入內爲何后寵童謠云楊婆兒語訛遂成楊叛兒

楊婆兒共戲來所歡

鄉里謠

南史齊受禪張敬兒歷遷車騎將軍心自疑畏誘說部曲自云貴不可言又使

於鄉里爲謠言使小兒輩歌云云武帝疑有異志誅之敬兒家在冠軍里宅前地名赤谷

天子在何處宅在赤谷口天子是阿誰非猪如是狗

山陰謠

南史曰丘仲孚爲山陰令居職甚有聲稱百姓爲此謠前世傳琰父子沈憲劉

玄明相繼宰山

陰並有政績

二傳沈劉不如一丘

諺

時人語

南齊書上嘉荀伯玉盡心愈見親信軍國密事多委使之時人爲之語曰

十勅五令不如荀伯玉命

夢語

南齊書初太祖在淮南荀伯玉假還廣陵夢上廣陵城南樓上有二青衣小兒語伯

玉云云伯玉視城

下人頭上皆有草

草中肅九五相追逐

桓康語

南史曰桓康蘭陵人也隨武帝起兵摧堅陷陣膂力絕人江南人畏之高帝鎮

東府除武陵王中兵寧朔將軍常侍衛左右帝誅黃回使康數回罪然後殺之時人語曰

欲併張問桓康

長沙王語

南史曰長沙威王晃高帝四子也少
有武力昇明中為淮南宣城二郡太

守晃便弓馬初沈攸之事起長沙威王
晃多從武容赫奕都街時人為之語曰

煥煥蕭四繖

時人語

南齊書永明末京邑人士盛為文章談
義皆湊竟陵王西邸劉繪為後進領袖

時張融音肯緩韻周顒辭致綺捷繪言吐又
頓挫有風氣時人為之語曰云云言在二家
之中也

劉繪貼宅別開一門

都人語

南史曰永明末都下人士盛為文章談
義皆湊竟陵西邸劉繪後進領袖時張

融言辭辯捷周顒彌為清綺而繪音采不贍
麗雅有風則時人為之語言繪處二人間也

三人共宅夾清漳張南周北劉中央

俗諺

南齊書顧憲之上疏言永興諸暨公私殘盡儻值水旱實不易念俗諺云云會稽舊

稱沃壤今猶若此吳興本是
瘠亡因循餘弊誠宜改張

會稽打鼓送卹吳興步擔令史

諺

南史齊卞彬仕既不遂作
蚤蝨賦序曰蝨有諺言

朝生暮孫

都下語

南史齊東昏時左右應勅捉刀之徒並
專國命人間謂之刀勅都下爲之語曰

欲求貴職依刀勅須得富豪事御刀

差山語

南史曰沈麟士隱居餘不吳差山講經
教授從學士數十百人各營屋宇依止

其側時人
爲之語曰

差山中有賢士開門教授居成市

一有
吳字

老子河洛識四首

年曆七七水滅緒風雲俱起龍蛇舉

南齊書祥瑞志曰宋水德王義熙十

四年元熙二年永初三年景平二年元嘉三十年孝建三年大明八年永光二年泰始七年泰豫元年元徽昇明三年凡七十七年故曰七七也

蕭草成道德懷書備出身形法治吳出南京

上即姓諱也南京南

徐州治京口也

壇場河梁塞龍淵消除水災泄山川

壇場河梁為路也路即道也淵塞者

譬路成也即太祖諱也消水災言除宋氏患難也

上參南斗第一星下立草屋為紫庭迎龍之岡梧桐生

鳳鳥舒翼翔且鳴

南斗第一星吳分也草屋蕭字也又簫管之器像鳳鳥翼也

天子何在草中宿

宿肅也

王子年歌

二首後二首書其屋壁

金刀治世後遂苦帝王昏亂天神怒災異屢見戒人主

三分二叛失州主三王九江悉在吳餘悉稚小早少孤

一國二主天所驅

金刀劉也三分二叛宋明帝世也三王九江者孝武於九江興晉安王亦

稱大號世祖又於九江基霸跡一在吳謂齊氏桑梓寄治南吳一國二主謂太祖符運潛興為宋氏驅除寇難

三禾慘慘林茂孽金刀利刃齊刈之

金刀劉氏刈剪也

欲知其姓草肅肅穀中最細低頭熟鱗身甲體永興福

穀道熟成又諱也太祖體有龍鱗斑駁成文始謂是黑歷治之甚至而文愈明

金雄記

二首

鑠金作刀在龍里占睡上人相須起

當復有作肅人草

蕭字也記又云草門可隣乃當建號不成易運沸

梁

洛陽歌

南史曰大通初武帝遣颺勇將軍陳慶之送魏北海王元顥還北主轉戰而前

連破魏軍慶之麾下悉着白袍所向披靡先是洛陽人歌云後果驗

名軍大將莫自勞千兵萬馬避白袍

梁書云洛陽童謠軍作師勞作牢

始興王歌

南史曰梁始興忠武王憺為都督荆州刺史時天監初軍旅之後公私匱乏憺厲精為政廣闢屯田減省力役供其窮困辭訟者皆立待符教決於俄頃曹無留事

下無滯獄後徵還朝而民歌之荆土方言謂爹為父故云

始興王人之爹赴人急如水火何時復來哺乳我

爹徒我反

北軍歌

南史曰梁臨川靜惠王宏為揚州刺史天監中武帝詔都督諸軍侵魏所領皆

器甲精新軍容甚盛軍次洛口前軍尅梁城宏聞魏援近畏懦不敢進欲議旋師呂僧珍曰知難而退不亦善乎柳玘等不從魏人知其不武遺以巾幘北軍乃歌云云

不畏蕭娘與呂姥但畏合肥有韋武

韋武獻也

雍州歌

南史南平王偉子怡為雍州刺史年少未開庶務百姓每通一辭數處輸錢方

得聞徹賓客江仲舉蔡遠王臺卿庾仲容並有蓄積民間歌之後達武帝帝因接末句云

江千萬蔡五百王新車庾大宅主人憤憤不如客

夏侯歌

梁書曰夏侯夔為豫州刺史於蒼陵立堰溉田千餘頃境內賴之夔兄亶先居

此任兄弟並有恩惠百姓歌之

我之有州賴彼夏侯前兄後弟布政優優

彼一作得賴彼一作頻仍

鄱陽歌

南史曰陸襄吳郡人爲鄱陽內史先是郡人鮮于琮反攻郡襄遣兵破之生獲

琮時鄰郡按琮黨與因求貨賄皆不得其實或有善人盡室罹禍唯襄郡枉直無濫人歌之

鮮于抄後善惡分人無橫死賴陸君

梁書民無橫死賴有陸君抄一作平

同前

南史曰郡人有彭李二家先用忿爭遂相誣告襄引入內室不加責請但和言解喻

之二人感恩深自悔咎乃爲設酒食令其盡歡酒罷同載而還因相親厚人又歌曰

陸君政無怨家鬪旣罷雙共車

瞿塘行人歌

南史曰庾子輿新野人有孝性丁母憂哀至輒嘔血父卒於蜀子輿

哀痛將絕奉喪還鄉秋水猶壯巴東有淫預石高出二十許丈及秋至則纔如見次有瞿塘大灘行旅忌之部伍至此石猶不見子輿撫心長叫其夜五更水忽退減安流南下及

度水復舊行人爲之歌曰

淫預如僕本不通衢塘水退爲庾公

一作語

謠

北方童謠

南史曰梁武帝時魏降人王足陳計求堰淮水以灌壽陽足引北方童謠

曰云云帝發淮陽戶丁及戰士二十萬築之以康絢督其事南起浮山北抵巉石堰成長九里高二十丈夾堤并樹杞柳軍人安堵其上魏軍竟潰而歸水之所及方數百里魏壽陽城戍稍徙頓八公山

荆山爲上格浮山爲下格潼沱爲激溝併灌鉅野澤

梁武帝時謠

南史曰梁武帝天監元年十一月立長子統爲皇太子時民間有謠

按鹿子開者反語爲來子哭也後太子果薨是時長子歡爲徐州刺史以嫡孫次應嗣位而帝意在晉安王猶豫未決及立晉安王爲皇太子而歡止封豫章郡王還任謠言心徘徊

徊者未定也城中諸少年逐歡歸去來者復還徐方之象也統即昭明太子也

鹿子開城門城門鹿子開當開復未開使我心徘徊城中諸少年逐歡歸去來

雍州童謠

南史蕭範武帝從子都督雍州刺史時論範欲為賊又童謠云然卒無驗

莫忽忽且寬公誰當作天子草覆車邊已

大同中童謠

南史曰侯景渦陽之敗遣人求錦朝廷給之青布其後皆用為袍色

尚青景乘白馬青絲為轡欲以應謠

青絲白馬壽陽來

侯景時童謠

南史曰侯景既尅建鄴脩飾臺城及朱雀宣陽等門童謠曰

的脰烏拂朱雀還與吳

三國典畧作白頭烏

脫青袍著芒屨荆州天子挺應着

侯景即位
童謠曰

江陵謠

南史曰侯景既誅傳首至江陵元帝命梟於市三日然後煮而漆之以付武庫

先是江陵謠言景首既至元帝付李季長宅宅東即苦竹町也既加鼎鑊即用市南水焉

苦竹町市南有好井荆州軍殺侯景

梁童謠

南史曰臨賀王正德與侯景同逆百姓至聞臨賀郡名亦不欲道童謠云云

寧逢五虎入市不欲見臨賀父子

北童謠

南史曰齊遣柳達摩領兵侵梁陳霸先命侯安都敗之達摩謂眾口頃在北童

謠云云侯景服青已倒于此
今吾徒衣黃豈謠言驗邪

石頭擣兩襠擣青復擣黃

童謠

南史曰梁兵既勝齊兵中以賞俘買酒者一人裁得一醉先是童謠

虜萬夫人五湖城南酒家使虜奴

梁末童謠

南史曰梁末有童謠及王僧辨滅說者以為僧辨本乘巴馬以擊侯景馬

上郎王字也塵謂陳也江東謂殺羊肉為早英隋氏姓楊楊羊也言陳終滅於隋也

可憐巴馬子一日行千里不見馬上郎但有黃塵起黃

塵汚人衣早英相料理

府中謠

南史徐君蒨為梁湘東王鎮西諮議參軍頗好聲色侍妾數十皆佩金翠曳羅綺時襄陽魚弘亦以豪侈稱於是府中謠曰

多稱於是府中謠曰

北路魚南路徐

諺

南州語

南史曰江革為尋陽太守清嚴為屬城所憚正直自居不與典籤趙道智坐道

智還都啓事誣奏革墮事好酒以瑯琊王曇聰代為行事南州士庶為之語曰

故人不道智新人佞散騎莫知度不度新人不如故

省中語

南史曰賀琛領尚書左丞參禮儀事每進見武帝與語常移晷刻故省中語云

上殿不下有賀雅

琛容止閒雅故時人呼之

王彬語

南史曰王彬好文章習篆隸與志齊名時人爲之語曰

三真六草爲天下寶

湘東王

梁元帝金樓子曰余後爲江州副君賜報曰京師有語云

論議當如湘東王士宦當如王克

克時始爲僕射領選也

時人語

梁書王筠與從兄泰齊名陳郡謝覽覽弟舉亦有重譽時人爲之語曰

謝有覽舉王有養炬

炬是泰養卽筠並小字也

三何語

二首南史曰何思澄與宗人遜及子凱俱擅文名時人語曰云云思澄聞之曰

此言誤耳如不然固當歸
遜思澄意謂宜在已也

東海三何子朗最多

人中爽爽有子朗

子朗字世明有才思

兩雋語

南史曰何妥少聰明時蘭陵蕭脊亦雋才住青陽巷妥住白楊頭時人為之語

世有兩雋白楊何妥青陽蕭脊

鮑佐語

南史曰鮑正為湘東王五佐好交遊無日不適人人為之語曰

無處不逢鳥噪無處不逢鮑佐

識詩

隋書五行志曰梁天監三年六月八日武帝講於重雲殿沙門誌公忽然起舞歌樂

須臾悲泣賦五言詩梁自天監至于大同三十餘年江表無事至太清二年臺城陷帝享國四十八年所言五十裏也太清元年八月十三而侯景自懸瓠來降在丹陽之北子地

帝惑朱异之言以納景景之作亂始自戊辰之歲至午年帝憂崩

樂哉三十餘悲哉五十裏但看八十三子地妖災起佞臣作欺妄賊臣滅君子若不信吾言龍時侯賊起且至馬中間銜悲不見喜

又

南史梁武帝紀曰天監中沙門釋寶誌為詩帝使周捨封記之及中大同元年同泰寺災帝啓封捨手迹為之流涕帝生於甲辰三十八建鄴之年也遇災歲實丙寅八十三矣四月十四日而火起始自浮屠第三層三者帝之昆季次也

昔年三十八今年八十三四中復有四城北火酣酣

又二首

南史曰天監十年四月八日誌公於大會中作詩狗子景小字山家小兒猴狀景遂覆陷都邑初自懸瓠來降即昔之汝南也巴陵有地名三湘景奔敗處其言皆驗

掘尾狗子自發狂當死未死齧人傷須臾之間自滅

起自汝陰死三湘

陰一作際

兀尾狗子始著狂欲死不死齧人傷須臾之間自滅

亾患在汝陰死三湘橫尸一旦無人藏

見隋書五行與前小異

山家小兒果攘臂太極殿前作虎視

詩識

隋書五行志曰天監中茅山隱士陶弘景爲五言詩云云及大同之季公卿唯以談

玄爲務夷甫平叔朝賢也侯景作亂遂居昭陽殿

夷甫任散誕平叔坐談空不言昭陽殿忽作單于宮

陳

歌齊雲觀歌

隋書曰陳後主造齊雲觀國人歌之功未畢而爲隋師所虜

齊雲觀寇來無際畔

謠

陳初童謠

見李商隱梁詞人麗句

御路種竹篠蕭蕭已復起合盤貯蓬塊無復揚塵已

陳初謠言

見梁詞人麗句

日西夜烏飛拔劍倚梁柱歸去來兮歸山下

江東謠

陳書曰初有童謠云云其後陳主果爲韓擒虎所敗擒本名擒虎黃班之謂也

破建康之始復乘青驄

馬往反時節皆相應

黃斑青驄馬發自壽陽溪來時冬氣未去日春風始

謠

張種語

陳書曰張種少恬靜居處雅正不妄交遊傍無造請時人爲之語曰

宋稱敷演梁則卷充清處學尚種有其風

二賀歌

唐書曰賀臨仁越州山陰人在陳與兄德基師事周弘正以文辭稱人爲語曰

學行可師賀德基文質彬彬賀德仁

北魏

歌

咸陽王歌

北史曰後魏景明中咸陽王禧謀逆伏誅後宮人爲之歌其歌遂流於江

表北人之在南者聞弦管奏之莫不灑泣

可憐咸陽王奈何作事誤金牀玉几不能眠夜踏霜與

露洛水湛湛彌岸長行人那得渡

夜踏霜與露一作夜起踏霜露

裴公歌

北史曰裴俠大統中爲河北郡守躬履儉素愛民如子郡舊有漁獵夫三十人

以供郡守俠曰以口腹役人吾所不爲也悉罷之又有一丁三十人供郡守役俠亦不私並收庸爲市官馬歲時旣積馬遂成羣去職之日一無所取民歌之云

肥鮮不食丁庸不取裴公貞惠爲世規矩

謠
虜中謠

宋書虜中謠言魏主燾甚惡之滂水人蓋吳於杏城天台舉兵反遣擊之輒敗

滅虜者吳也

趙郡謠

北史曰後魏李曾道武時爲趙郡太守今行禁止并州丁零數爲山東害知曾

能得百姓死力不敢入境賊於常山界得一死鹿賊長謂趙郡地也責之還今送鹿故處其見憚如此郡人爲之謠

詐作趙郡鹿猶勝常山粟

二拔謠

北史曰永熙二年竇泰破余朱榮神武入洛余朱仲部下都督張子期自滑臺

歸命神武斬之斛斯椿由是不安乃與南陽王竇炬等構神武於魏帝故魏帝心貳於賀拔岳初孝明之時洛下以兩拔相擊謠言云云好事者以二拔謂拓拔賀拔言俱將哀之

兆

銅拔打鐵拔元家世將末

曲堤謠

二首北史曰後魏宋世良孝莊時為清河太守才識閑明尤善政術郡東南有

曲堤成公一姓阻而居之羣盜多萃於此人為之語曰云云世良施八條之制盜奔他境

人又謠曰云云

寧度東吳會稽不歷成公曲堤

曲堤雖險賊何益但有宋公自屏跡

河東謠

北史元淑魏宗室為河東太守俗多商賈罕事農桑淑下車勸課謠曰

秦州河中杼柚代春元公至止田疇始理

洛中童謠

二首北史曰朱彥伯節閔帝時封博陵郡王位侍中及張勸等掩襲朱

朱世龍神武執彥伯與世隆同斬於閶闔門外懸首於斛斯椿門樹先是洛中謠曰云云至是並驗

三月末四月初楊灰簸土覓真珠

頭去項脚根齊驅上樹不須梯

後魏宣武孝明時謠

北史曰孝武帝永熙三年遇酖而崩初宣武孝明間

謠曰云云識者以為索謂魏本索髮焦梨狗子指宇文泰泰小字黑獺也

狐非狐貉非貉焦梨狗子齧斷索

東魏童謠

魏紀曰孝武帝既入關渤海王高歡議立清河王子善見以奉明帝之後

是為孝靜皇帝遷都於鄴為東魏自是軍國政務皆歸相府先是童謠曰云云按青雀子謂靜帝實清河王之世子鸚鵡謂齊神武即高歡也後竟為齊所滅

可憐青雀子飛來鄴城裏羽翮垂欲成化作鸚鵡子

東魏鄴都謠

隋書五行志曰魏孝靜帝始移都于鄴時有童謠按孝靜帝清河王

之子也后則齊神武之女鄴都宮室未備卽逢禪代作窠未成之効也孝靜尋崩文宣以后爲太原長公主降於楊愔時神武嬖后尚在故言寄書於婦母新婦子斥后也

可憐青雀子飛入鄴城裏作窠猶未成舉頭失鄉里寄

書與婦母好看新婦子

東魏武定中童謠

隋書五行志曰武定中有童謠按高者齊姓也澄文襄名

五年神武崩摧折之應七年文襄爲盜所害澄滅之徵也

百尺高竿摧折水底然燈澄滅

東魏末童謠

北史齊本紀曰後魏末文宣未受禪時有童謠按藁然兩頭於文爲

高河邊殺癡爲水邊羊指帝名也於是徐之才勸帝受禪

一束藁兩頭然河邊殺癡飛上天

謠言

北史蕭寶夤本齊明帝子奔魏歷雍州刺史將有異圖問柳楷楷引謠言遂反被誅

鸞生十子九子歿一子不歿關中亂

明帝名子鸞

府君頌

北史曰呂顯字子明皇始初拜鉅鹿太守清身奉公百姓頌之

時惟府君克清克明緝我荒土人胥樂生願壽無疆以

享長齡

諺

詰汾諺

北史曰北魏聖武皇帝諱詰汾嘗田於山澤欬見輜輶自天而下既至見美婦

人自稱天女受命相偶旦日請還期年復會于此言終而別及碁帝至先田處果見天女以所生男授帝曰此君之子也當世爲帝王卽始祖神元皇帝也故時人諺曰

詰汾皇帝無婦家力微皇帝無舅家

神元諱力微

百姓語

北史太武將北征發驢運糧使調雍州軌令驢主皆加絹一匹民語曰

驢無彊弱輔脊自壯

皇宗語

魏書曰陽平王子欽字思若少好學早有令譽時人語曰

皇宗略略壽安思若

兄願初名安壽衍字安樂

諺

魏書曰李彪領御史中丞解著作事後因求復舊職乃表修魏史引諺曰

一日不書百事荒蕪

三王語

後魏書曰濟南王元或與從兄安豐王延明中山王熙齊名時人爲之語曰

三王楚楚盡琳琅未若濟南備圓方

王家語

魏書曰崔光爲肅宗講孝經王道業預講安豐王延明錄義時人語曰

英英濟濟王家兄弟

崔楷語

魏書曰楷字季則仕歷中郎將性嚴烈能摧挫豪強故時人語曰

莫獺獬付崔楷

鄉里語

北史房景伯弟亾蔬食終喪暮不內御次弟景先亾幼弟景遠亦不內寢鄉里

語曰

有義有禮房家兄弟

鄴下語

北史李渾與弟繪緯俱爲聘使主緯位中散大夫聘梁頗爲稱職鄴下語曰

學則渾繪緯口則繪緯渾

俗語

北史邢巒仕安東將軍宣武詔巒攻鍾離巒以爲必無克狀且俗語云云

耕則問田奴絹則問織婢

貪人語

後魏書曰靈太后幸左藏賜布絹儀同陳留公李崇章武王融並以所負多頓

仆於地崇乃傷腰融至損脚時人爲之語曰

陳留章武傷腰折股貪人敗類穢我明主

李波小妹語

魏書曰廣平人李波宗族彊盛殘掠不已公私咸患百姓爲之語曰

李波小妹字雍容褰裙逐馬如卷蓬左射右射必疊雙

婦女尚如此男子安可逢

刺史李安世設方畧誘波等殺之州內肅然

楊公語

魏書曰楊津行定州事賊每來攻津於城中置爐鑄鐵持以灌賊賊相語曰

不畏利槩堅城惟畏楊公鐵星

袁祖語

北史曰祖瑩與陳郡袁翻齊名秀出時人爲之語曰

京師楚楚袁與祖洛陽翩翩祖與袁

李謐語

北史曰李謐初師事小學博士孔璠數年後璠還就謐請業同門生爲之語曰

青成藍藍謝青師何常在明經

中郎語

三國典畧曰東魏崔暹子達拏年十三暹今儒者教其說周易兩字乃集朝貴

名流達拏升高坐開講趙羣睦仲讓陽屈服之暹大悅擢仲讓爲司徒中郎鄴下爲之語

解義兩行得中郎

唐將語

北史曰唐永有將帥才正光中爲北地太守與賊數十戰未嘗敗北時人語曰

莫陸梁恐爾逢唐將

時人語

北史大統初馮翊王元季海領軍獨孤信鎮洛陽于時人物唯柳蚪在陽城裴

諏在潁川乃俱徵之以蚪爲行臺郎中諏爲北府屬並掌文翰時人爲之語曰

北府裴諏南府柳蚪

瑤光寺語

洛陽伽藍記曰瑤光寺世宗宣武皇帝所立永安三年爾朱光入洛陽

縱兵大掠時有秀容胡騎數十人入寺淫穢自此後頗獲譏誚京師語曰

洛陽女兒急作髻瑤光寺尼奪女壻

下四條並伽藍記

白墮語

河東有劉白墮善釀飲之香美而醉經月不醒永熙中南青州刺史毛鴻賓齎

酒之蕃路逢賊盜飲之即醉皆被禽獲游俠語曰

不畏張弓挾刀唯畏白墮春醪

伊洛語

洛水南四通市伊洛之魚多於此賣士庶須臾皆詰取之魚味甚美京師語曰

伊洛鯉魴貴於牛羊

上高里語

洛陽城東北有上高里殷之頑民所居處也高祖名聞義里遷京之始朝

士住其中迭相譏刺竟皆去之唯有造瓦者止其內京師瓦器出焉世人語曰

洛城東北上高里殷之頑民昔所止今日百姓造甕子
人皆棄去住者耻

京師語

白馬寺漢浮圖前奈林蒲萄異於餘處
味並殊美帝熟時常詣取之京師語曰

白馬甜榴一實直牛

老嫗語

河間王琛婢朝雲善吹篪能爲團扇歌
隴上聲琛爲秦州刺史羌叛屢討不勝

令朝雲假爲貧女吹篪而乞羌聞之流涕曰
何故捨墳井在山谷爲寇耶卽降秦民語曰

快馬健兒不如老嫗吹篪

北齊

歌
鄭公歌

北史鄭述祖天保中爲兖州刺史述祖
之父道昭嘗爲兖州刺史故百姓歌之

大鄭公小鄭公相去五十載風教猶尚同

邯鄲郭公歌

樂府廣題曰北齊後主高緯雅好傀儡謂之郭公時人戲為郭公歌

及將敗果邯鄲高郭聲相近九十九末數也滕口鄧林也大兒謂周帝太祖子也高岡後

主姓也雉雞類武成小字也後敗於鄧林盡如歌言蓋語妖也

邯鄲郭公九十九技兩漸盡入滕口大兒緣高岡雉子

東南走不信吾言時當看歲在酉

崔府君歌

北齊書崔伯謙除濟北太守乃改鞭用熟皮為之有朝貴過郡境問人太

守治政對曰府君恩化因誦民為歌客曰既稱恩化何由復威曰長吏憚威民庶蒙惠

崔府君能治政易鞭鞭布威德民無爭

謠

惠化謠

北齊書神武西討竇泰自潼關入為周文帝所殺初泰將發鄴有惠化尼謠云

竇行臺去不回

泰為御史中尉

童謠

北齊書武明太后病內史令呼太后為石婆蓋有俗忌故改名初童謠云云徐之才

曰跋求伽胡言去已豹祠嫁石婆豈有好事斬冢作媒人但令合葬自斬冢唯得紫紕靴者紫之為字此下系紕者熟當四月中靴者革旁化寧是久物至四月一日后崩

周里跋求伽豹祠嫁石婆斬冢作媒人唯得一量紫紕

靴

北齊文宣時謠

北史本紀曰文宣時謠按帝以午年生故曰馬子三臺石季龍

舊居故曰石室三千六百日十年也文宣在位十年果如謠言

馬子入石室三千六百日

北齊廢帝時童謠

三首北史曰楊愔齊文宣時尚太原公主位至驃騎大將

軍文宣大漸愔與侍中燕子獻黃門侍郎鄭子默並受遺詔時常山長廣二王位地親逼

情等與可朱渾天和深相踈忌並為所害先是童謠云羊為情也角文為用刀道人謂廢帝小名太原公主嘗作尼故曰阿廢姑情子獻天和皆尚帝姑故曰道人姑夫云

白羊頭翬秃殺癰頭生肉

羊羊喫野草不喫野草遠我道不遠打爾腦

阿廢姑禍也道人姑夫死也

白鳧謠

北史曰初孝昭之誅楊情也謂武成云事成以汝為皇太弟及立子百年為皇

太子武成不平欲有異謀先是童謠云云時丞相府在北城中即舊中興寺也鳧翁謂雄雞蓋指武成小字步落稽也道人濟南王小名也打鐘言將被擊也孝昭尋崩武帝即位

中興寺內白鳧翁四方側聽聲雍雍道人聞之夜打鐘

童謠

北齊書曰神武穆太后凡孕六男二女皆感夢孕文襄則夢一斷龍孕文宣則夢大

龍尾屬天地張口動目勢狀驚人孕孕昭則夢蠕龍于地孕武成則夢龍浴于海孕魏二后並夢月入懷孕襄城博陵二王夢鼠入衣下后未崩有童謠云云及后崩武成緋袍如故未幾登三臺置酒作樂帝女進白袍帝怒投諸臺下帝于昆季次實九蓋其徵驗也

九龍母死不作孝

魏世謠

北齊書曰河間王孝琬武成時和士開祖珽諧之帝初魏世謠言云云珽說曰

河南河北河間也金雞鳴孝琬將建金雞而大赦帝頗惑之後竟殺焉

河南種穀河北生白楊樹頭金雞鳴

謠言

北齊書陽子術曰謠言云云四入天之大數主上之祚恐不過此武成崩年三十二

盧十六稚十四健子拍頭三十二

武成後謠

三國典畧曰周平齊齊幼主胡太后並歸于長安初武成殂後有童謠云

調甚悲苦至是應焉一云北齊太上時童謠果作藥券作家

千錢買果園中有芙蓉樹破券不分明蓮子隨他去

北齊後主武平初童謠

隋書五行志曰武平元年童謠按北年四月隴

東王胡長仁謀遣刺客殺和開事露反為上開所諧而歿

狐截尾你欲除我我除你

武平中童謠

隋書五行志曰武平二年童謠小兒唱訖一時拍手云殺却至七月

二十五日御史中丞永瑯瑯王儼執士開送於南臺而斬之

和士開七月三十日將你向南臺

又謠

隋書五行志曰是歲又有童謠七月士開被誅九月瑯瑯王遇害十一月趙彥深出

為西州刺史北史彥深引綦連猛知機事祖珽奏言前推瑯瑯邪王有意出猛定州彥深西兗州

七月刈禾傷早九月喫饒正好十月洗蕩飯瓮十一月

出却趙老

北史云七月刈禾太早九月噉糕未好本欲尋山射虎激箭旁中趙老

後主時謠

北齊書曰斛律光為當時名將與祖珽穆提婆積怨周將韋孝寬忌光英

勇乃作謠言令間諜漏其文於鄴曰百升云云又曰高山云云珽因續之曰盲老公云云

穆提婆聞之告其母陸令萱遂相與協謀以謠言啓後主誅光周武帝始有滅齊之志竟平其國按百升者斛也明月光字也高山謂齊齊姓高也盲老公謂珽珽先因罪失明也

饒舌老母謂令

萱即後主乳母

百升飛上天明月照長安高山不推自崩榑木不扶自

豎盲老公背上下大斧饒舌老母不得語

升一作斗推一作摧

高山崩榑樹舉盲老公背上下大斧多事老母不得

語北齊書祖
英傳載此

鄴下童謠北史先是鄴下童謠云云和士開謂
入上臺後鄆琊王送士開就臺斬之

至是
果驗

和士開當入臺

武平末童謠隋書五行志曰武平末有童謠時
穆后母子淫辟于預朝政時人患

之穆后小字黃花尋
逢齊亡欲落之應也

黃花勢欲落清尊但滿酌南史作滿杯酌後主自
立穆后昏飲無度故云

北齊末鄴中童謠隋書五行志曰北齊末鄴中
有童謠未幾齊爲周所滅周

都關中故
云西家也

金作掃帝玉作把淨掃殿屋迎西家

諺

時人語

北史齊文襄入輔居鄴下崔暹崔季舒崔昂等並被任用張亮張徽纂並為神

武待遇然皆出陳元康下時人為之語曰

三崔二張不如一康

訛言

北齊書蘭京子欽害齊王高澄王自投傷足入于床下賊黨去床因而見殺先是訛

言曰

軟脫帽床底喘

鳳池語

北史曰趙彥深諷朝廷以子叔堅為中書侍郎頗招物議時馮子琮子慈明祖

璵子君信並相繼居中書故時語云

馮祖及趙穢我鳳池

時人言

北史北齊武成時唐邕白建方貴時人言云

并州赫赫唐與白

鄙諺

北齊書曰瑯琊王儼執和士開送御史臺斬之遂率京畿軍上屯千秋門帝率宿衛

者將出戰斛律光曰小兒輩弄兵與交手即亂鄙諺云云至尊宜自至千秋門瑯琊必不敢動後主從之

奴見大家心死

親表語

北史胡長粲仕趙州刺史性好內有一侍婢其妻王驕妬手刺殺之為此忿恨

數年不見親表爲之語曰

自我不見于今三年

此本詩語

臺中語

北齊書曰宋遊道廣平人爲殿中侍御史臺中語曰

見賊能討宋遊道

陰生語

北齊書曰賈思伯遷南青州刺史初思伯與弟思休師事北海陰鳳受業竟無

資酬之鳳遂質其衣服時人為之語及思伯之部送遺鳳因其車馬迎之時人稱歎焉

陰生讀書不免癡不識雙鳳脫人衣

蘇宋語

北史曰宋世軌齊天保中為大理少卿執獄寬平多所全濟大理正蘇珍之以

平幹知名時人以為二絕寺中語曰

決定嫌疑蘇珍之視表見裏宋世軌

蘇珍之

北齊書蘇瓊字珍之為廷尉正京師為之語曰

斷決無疑蘇珍之

陸又語

北史陸又於五經最精熟館中謂之石經人語曰

五經無對有陸又

時人語

北史北齊裴讓之與弟諷之及皇甫和弟亮並知名於洛下時人語曰

諷勝於讓和不如亮

祖裴語

三國典畧曰裴讓之十七舉秀才為中郎中與祖珽俱聘宋邢邵省中語曰

多奇多能祖孝徵能賦能詩裴讓之

裴讓之

北史讓之魏天平中舉秀才累遷屯田主客郎中省中語曰

能賦詩裴讓之

陽休之好學愛文藻時人為之語曰能賦詩陽休之

崔李語

隋書曰武城崔儵與頓丘李若俱見稱重時人為之語曰齊人後入隋

京師灼灼崔儵李若

識詩

二首北史陸法和本傳曰法和書其所居屋壁而塗之及剝落有文二首

十年天子為尚可百日天子急如火周年天子迭代坐

隋書五行志曰時文宣帝享國十年而崩廢帝嗣立百餘日用替厥位孝昭卽位一年而崩此其効也

一母生三天兩天共五年

婁太后生三天子自孝昭卽位至武成傳位後主共五年

北周

歌

周宮歌

隋書五行志曰周宣帝與宮人夜中連臂蹋踑而歌云云帝卽位二年崩

自知身命促秉燭夜行遊

謠

周初童謠

隋書五行志曰周初有童謠按靜帝隋氏之甥旣遜位而崩諸舅強盛

白楊樹頭金雞鳴祗有阿舅無外甥

祗一作裁

玉漿泉謠

隋書曰豆盧勣周武帝時爲渭州刺史有惠政華夷悅服大致祥瑞鳥鼠

山俗呼爲高武隴其山絕壁千尋山來乏水諸羌苦之勣馬足所踐忽飛泉湧出有白鳥翔止廳前乳子而後去民爲之謠後因號其泉曰玉漿泉

我有丹陽山出玉漿濟我民夷神鳥來翔

民夷一作夷人翔一作出

諺

裴漢語

周書裴漢補墨曹參軍漢善尺牘尤便簿領理識明贍決斷如流相府爲之語

曰

日下粲爛有裴漢

于公語

隋書曰于仲文字次武北周時爲遷安太守州刺史屈寔尚宇文護之黨也先

坐事下獄無敢繩者仲文至郡窮治遂竟其獄蜀中爲之語曰

明斷無雙有于公不避強禦有次武

隋

歌

枯樹歌

北史曰王劭隋文帝時爲著作郎上表言符命曰陳留老子祠有枯柏世傳云

老子將度世云待枯柏生東南枝迴指常有聖人出吾道復行至齊枯柏從下生枝東南

上指夜有三童子相與歌曰云云及至尊牧
亳州親至祠樹之下自是柏枝回抱其枯枝
漸指西北道教果行考校衆事太平
主出於亳州陳留之地皆如所言

老子廟前古枯樹東南枝如繖聖主從此去

枝隋書作狀

長白山歌

北史曰來整勞國公護兒之子也尤
驍勇善撫御討擊羣賊所向皆捷諸

賊歌之

長白山頭百戰場十五五把長鎗不畏官軍十萬衆

只怕榮公第六郎

十一作于

挽舟者歌

海山記曰湯帝御龍舟夜半聞
歌者甚悲帝遣人求之不得

我兒征遼東餓死青山下今我挽龍舟又困隋堤道方
今天下飢路糧無夢小前去三千程此身安可保寒骨

枕荒沙幽魂泣煙草悲損門內妻望斷吾家老安得義男兒爛此無主炭引其孤魂回負其白骨歸

送別詩

崔瓊東虛記曰此詩作於大業末年實指煬帝巡游無度縉紳率愧已甚下逮閭閻而佞人曲士播弄威福欺君上以取榮貴上二句盡之又謂民財窮窘至是方有五子之歌之憂而望其返國也

楊柳青青着地垂楊花漫漫攪天飛柳條折盡花飛盡借問行人歸不歸

謠

煬帝時并州童謠

北史曰漢王諒反為楊素所敗幽死先是童謠曰云云時

偽署官告身皆一紙別授則二紙諒聞謠喜曰我幼字阿客量與諒同音吾於皇家最小以為應之

一張紙兩張紙客量小兒作天子

大業中童謠

隋書五行志曰煬帝大業中童謠其後李密坐楊玄感之逆為吏所

拘在路逃叛潛結羣盜自陽城山而來襲破洛口倉後復屯兵苑內莫浪語密也宇文化及自號許國尋亦破滅誰道許者蓋驚疑之辭也

桃李子鴻鵠遶陽山宛轉花林裏莫浪語誰道許

杞州謠

北史隋侍御史柳彧上表論上柱國和干子前在趙州闇於職務政由群小賄

賂公行百姓吁嗟歌謠滿道乃云

老禾不早殺餘種穢良田

童謠

北史梁主蕭琮自江陵徵入朝拜柱國後有童謠云云煬帝忌之遂廢於家

蕭蕭亦復起

諺

長安語

北史曰崔弘度隋仁壽中為太府卿性嚴酷官屬百工莫敢欺隱時有屈突蓋

為武侯車騎亦嚴列長安為之語曰

寧飲三斗醋不見崔弘度寧炙三斗艾不逢屈突蓋

樊安定語

隋書曰樊叔畧陳留人仕周封清鄉縣公隋受禪進爵安定郡公相州刺

史政為當時第一百姓為之語曰

智無窮清鄉公上下正樊安定

貝州語

隋書庫狄士文授貝州刺史法令嚴肅吏人股戰有京兆韋焜為貝州司馬河

東趙達為清河令二人並苛刻唯長史有惠政時人為之語曰云云上聞而歎曰士文之

暴過於猛獸竟坐死

刺史羅刹政司馬蝮蛇瞋長史含笑判清河生喫人

諸生語

北史呂思禮東平壽張人年十四受學於徐遵明長於論難諸生爲之語曰

講書論易鋒難敵

釋奴龍子

隋書曰盧昌衡小字龍子風神滄雅容止可法博涉經史工草行書從弟

思道小字釋奴宗中俱稱英妙胡幽州爲之語曰

盧家千里釋奴龍子

鄙諺

隋書曰長孫平爲工部尚書時有人告大都督邢紹非毀朝廷者上怒將斬之平進

諫曰鄙諺曰云云此言雖小可以喻大上於是赦紹

不癡不聾未堪作大家翁

北史作不堪

前諺

隋書冀州俗重氣俠好結朋黨故班志述其土風悲歌慷慨椎剽掘冢亦自古之所

患焉前諺云

仕宦不偶遇冀部

語

隋書魏郡鄴都所在浮巧成俗雕刻之工特云精妙士女被服咸以奢麗相高其所尚習得京洛之風矣語曰云云斯皆輕狡所致

魏郡清河天公無奈何

樂府

卷四

三

古樂苑卷第五十

西吳 梅鼎祚 補正

東越 呂胤昌 校閱

襍曲歌辭

歌謠語附

此既不屬諸調且世代莫詳亦無名氏都爲一卷附志闕疑

古豔歌

詩紀題云古詩收漢

行行隨道經歷山陂馬啖柏葉人啖柏脂不可長飽聊

可遏飢

古豔歌

孔雀東飛苦寒無衣爲君作衷心惻悲夜夜織作不

得下機三日載正尚言吾遲

雞鳴歌

樂府廣題曰漢有雞鳴衛士主雞唱宮外舊儀宮中與臺並不得畜雞晝漏盡夜漏

起中黃門持五夜甲夜畢傳乙乙夜畢傳丙丙夜畢傳丁丁夜畢傳戊戊夜是為五更未明三刻雞鳴衛士起唱漢書曰高帝圍項羽垓下羽是夜聞漢軍四面皆楚歌應劭曰楚歌者雞鳴歌也晉太康地記曰後漢固始鮪陽公安細陽四縣衛士習此曲於闕下歌之今雞鳴歌也然則此歌蓋漢歌也按周禮雞人掌大祭祀夜嘑旦以器百官則所起亦遠矣

東方欲明星爛爛汝南晨雞登壇喚曲終漏盡嚴具陳
月沒星稀天下旦千門萬戶遞魚鑰宮中城上飛鳥鵲

黃門倡歌

漢書禮樂志曰成帝時鄭聲尤甚黃門名倡內彊景武之屬富顯於世隋書樂

志曰漢樂有黃門鼓吹天子宴羣臣之所用也

佳人俱絕世。握手上春樓。點黛方初月。縫裙學石榴。君

王入朝罷。爭競理衣裘。此似齊梁間語

樂辭

祝穆曰窮袴襦也。蓋漢人語。吳兢編此在十九首後詩紀此與西洲長干休洗紅附晉

繡幙圍香風。耳節朱絲桐。不知理何事。淺立經營中。愛惜加窮袴。防閑託守宮。今日牛羊上丘隴。當年近前面發紅。

西洲曲

樂府作古辭玉臺新本作江淹非

憶梅下西洲。折梅寄江北。單衫杏子紅。雙髻鴉雛色。西洲在何處。兩漿橋頭渡。日暮伯勞飛。風吹烏臼樹。樹下卽門前。門中露翠鈿。開門郎不至。出門採紅蓮。採蓮南

塘秋蓮花過人頭。低頭弄蓮子。蓮子青如水。置蓮懷袖中。蓮心徹底紅。憶郎郎不至。仰首望飛鴻。鴻飛滿西洲。望郎上青樓。樓高望不見。盡日欄杆頭。欄干十二曲。垂手明如玉。卷簾天自高。海水搖空綠。海水夢悠悠。君愁我亦愁。南風知我意。吹夢到西洲。

長干曲

逆浪故相邀。菱舟不怕搖。妾家楊子住。便弄廣陵潮。

于闐採花

于闐古于闐國。居葱嶺北。二百餘里。漢唐以來皆入貢。

山川雖異所。草木尚同春。亦如溱洧地。自有採花人。

沐浴子

澡身經蘭汜。濯髮係芳洲。折榮聊躑躅。攀桂且淹留。

澤雉

古今樂錄曰鳳將雛以澤雉送曲

擅場延繡頸。朝飛弄綺翼。飲啄常自在。驚雄恒不息。

舍利佛

金繩界寶地。珍木蔭瑤池。雲間妙音奏。天際法蟲吹。

摩多樓子

從戎向邊北。遠行醉密親。借問陰山候。還知塞上人。

休洗紅

二首

休洗紅。洗多紅色淡。不惜故縫衣。記得初按茜。人壽百年能幾何。後來新婦今爲婆。

休洗紅洗多紅在水新紅裁作衣舊紅畚作裏迴黃轉
綠無定期世事返復君所知

歎疆場

樂苑曰歎疆場宮調曲也詩紀云此下三首考樂府前後皆唐人之詩或唐作也

聞道行人至粧梳對鏡臺淚痕猶尚在笑靨自然開

塞姑

昨日盧梅塞口整見諸人鎮守都護三年不歸折盡江

邊楊柳

回紇曲

樂苑曰回紇商調曲也楊慎云其辭纏綿含蓄有長歌之哀過於痛哭之意惜不見

作者名氏必陳隋初唐之作也

陰山瀚海信難通幽閨少婦罷裁縫緬想邊庭征戰苦

誰能對鏡冶愁容久戍人將老須臾變作白頭翁

第二句闕

二字信一作使治一作治

石州辭

自從君去遠巡邊終日羅帷獨自眠看花情轉切攣涕
淚如泉一自離君後啼多雙臉穿何時狂虜滅免得更
留連

淫豫歌

此下至樊道謠並漢歌謠詩紀附在晉後

預歌酈道元水經注曰白帝山城水門之西江中有孤石名淫預石水冬出二十餘丈夏則沒亦有裁出焉江水東逕廣溪峽乃三峽之首也峽中有瞿塘黃龕二灘夏水回復沿汭所忌國史補曰蜀之三峽最號峻急四月五月尤險故行者歌之淫預或作豔豫

灩澦大如馬瞿塘不可下

灩澦大如牛瞿塘不可流

同前

淫預大如馬瞿唐不可下淫預大如象瞿唐不可上

同前

灩澦預大如襍瞿唐不可觸金沙浮轉多桂浦忌經過升菴

詩話曰此舟人商估刺水行舟之歌樂府以爲梁簡文所作非也蜀江有瞿唐之患桂江有桂浦之險故涉瞿唐者則準灩襍涉桂浦者則準金沙今樂府桂浦作桂楫非也按樂府本爲桂浦上說原載通志

巴東三峽歌

二首酈道元水經注曰巴東三峽謂廣溪峽巫峽西陵峽也三峽七百里

中兩岸連山累無闕處重巖疊嶂隱蔽天日非亭午夜分不見日月宜都山川記曰自黃牛灘

東入西陵界至峽口一百許里山水紆曲林木高茂猿鳴至清山谷傳響泠泠不絕行者聞之

莫不懷土故

漁者歌曰

巴東三峽巫峽長猿鳴三聲淚沾裳

巴東三峽猿鳴悲猿鳴三聲淚沾衣

同前

見水經注

灘頭白勃堅相持倏忽淪沒別無期

武陵人歌

黃閣武陵記曰有綠羅山側巖垂水懸蘿百里許得明月池碧潭鏡澈百尺見

底素巖若雪松如插翠流風叩阿有絲桐之韻土人爲之歌曰

仰茲山兮迢迢層石構兮嵯峨朝日麗兮陽巖落景梁

兮陰阿鄣壑兮生音吟籟兮相和敷芳兮綠林恬淡兮

潤波樂茲潭兮安流緩爾權兮詠歌

梁一作陽

綿州巴歌

豆子山打瓦鼓揚平山撒白雨下白雨取龍女織得絹
二丈五一半屬羅江一半屬玄武

三峽謠

水經注曰峽中有灘名曰黃牛灘南岸重

嶺疊起最外高崖間有色如人負刀牽牛人黑牛黃既人跡所絕莫得究焉此巖既高加

湍江紆迴雖途逕信宿猶望見此物故行者謠

曰云云言水路行深迴望如一矣

朝見黃牛暮見黃牛三朝三暮黃牛如故

水經注作朝發黃牛暮宿

黃牛

棧道謠

益州記曰瀘水源出岷羅雨峯有殺氣暑月舊不行故武侯以夏渡爲艱瀘水又下

合諸水而總其目焉故有瀘江之名矣自朱提至犍道有水步道有黑水羊官水至嶮難三津之阻行者苦之故俗爲之語曰

猶溪赤水盤蛇七曲盤羊鳥權氣與天通

三秦記民謠

武功太白去天三百孤雲兩角去天一握山水險阻黃

金子午蛇盤鳥權勢與天通

華陽國志注黃金谷在洋縣本漢黃金戍張魯築西

魏置黃金縣子午道在洋縣東百六十里舊在金子午

奇粵

隴西謠

郎樞女樞十馬九駒安陽大角十牛九犢

四地名皆在隴西言宜畜

也牧

紇其語

郡國志云望之數百里內夏恒積雪故
彼人語曰云云又有神泉人歌曰云云

紇其山頭凍死雀何不飛去生處樂

紇其山頭有神井入地千尺絕骨冷

古樂苑卷第五十

終

古樂苑卷第五十一

西吳 梅鼎祚 補正

東越 呂胤昌 校閱

僊歌曲辭

謠諺附

霞唱雲謠丹圖綠字列仙真誥具有其文卽不無後世依托而其指緣秘檢語率玄超亦被筦絃是名天樂今取其爲歌吟者附錄于斯若彼神仙步虛鳳簫龍笛之屬代多作者前已類次

方回語

列仙傳曰方回堯時隱人也堯聘以爲閭士練食雲母亦與民人有病者隱於五柞

山中夏啓末爲宦士爲人所劫閉之室中從求道因化而得去更以方回掩封其戶時人曰

夏啓一作夏桀時

得方回一丸泥塗門戶終不可開

綏山謠

列仙傳曰葛由者羌人也周成王時好刻木羊賣之一旦騎羊而入西蜀蜀中王侯

貴人追之上綏山隨之者不復還皆得仙道故里諺曰

得綏山一桃雖不得仙亦足以豪

周宣王時採薪人歌

列仙傳曰周宣王時郊聞採薪之人行歌時人莫能知之

老君曰此活國中人其語秘矣斯皆修習無上真正之道也

巾金巾入天門呼長精歛玄泉鳴天鼓養泥丸

真仙通鑑曰長

桑公子者常散髮行歌曰巾金巾入天門呼長精吸玄泉鳴天鼓養丹田柱下史聞之曰彼長桑公子所歌之

詞得服五星守洞房之道

乞食公歌

三二經曰楚莊公時市長宋來子常灑掃一市時有乞食公入市經日乞而歌

一市人無解歌者獨來子忽悟疑是仙人乃師乞食公棄官追逐積十三年公遂授以中仙之

道來子今在中嶽乞食公者西嶽真人馮延壽周宣王時史官也手爲大馬鼻下爲山源

天庭發雙華山源障陰邪清晨按天馬來詣太真家真

人無那隱又以滅百魔

天庭是兩眉之間眉之角也山源是鼻下人中之本側在鼻下

小入谷中也華庭在兩眉之下是徹視之津梁天真引靈之上房旦中暮怕咽液三九過急以手三九陰按之以爲常令致靈微視杜遏萬邪之道也

漢初童謠

雲笈七籤西王母傳曰漢初有四五小兒戲於路中一兒歌曰云云時人莫知

唯張子房知之乃往拜焉曰此乃東王公之玉童也仙人得道昇天當揖金母而拜木公也自非冲虛登真之子莫知其津矣

著青裙入天門揖金母拜木公

赤雀辭

列仙傳曰陶安公者六安鑄冶師也數行火火一旦散上行紫色衝天安公伏冶下

求哀須臾朱雀止治上曰云云至期
赤龍到大雨而安公騎之東南上上

安公安公治與天通七月七日迎汝以赤龍

長安中謠

列仙傳曰陰長生者長安中渭橋下乞兒也常止於市中乞市人厭苦以糞灑

之旋復在里中衣不見汚長吏知之械收繫著桎梏而續在市中乞又械欲殺之乃去灑者之家室自壞殺十餘人故長安中謠曰

見乞兒與美酒以免破屋之咎

西王母宴漢武帝命法嬰歌玄靈之曲

二首漢武帝內傳曰

元封元年七月七日西王母降于漢宮王母自設天厨精妙非常酒觴數遍王母命諸侍玉女作樂命法嬰歌玄靈之曲乃遣侍女招上元夫人夫人至自彈雲琳之琴歌步玄之曲

大象雖廓廖我把天地戶披雲沈靈輿倏忽適下土空

洞成玄音至靈不容治太真噓中唱始知風塵苦願神
三田中納精六闕下遂乘萬龍椿馳騁盼九野

玄圃遏北臺五城煥差峩啓彼無涯津汎此織女河仰
止升絳庭下遊月窟阿顧盼八落外指招九雲遐忽不
覺心榮豈吾少與多撫璫命衆女詠歌發中和妙暢自
然樂爲此玄雲歌韶盡至韻存真音辭無邪

上元夫人歌步玄之曲

上元夫人道君弟子也亦
玄古以來得道總統其真

籍亞於龜臺金母所降之處
多使侍女相聞以爲賓侶焉

昔涉玄真道騰步登大霞負笈造天關借問太上家忽
過紫微垣真人列如麻淥景清飈起雲蓋映朱葩蘭宮

敞朱闕碧空起璚沙丹臺結空構曄曄生光華飛鳳蹏
霓峙燭龍倚委蛇玉胎來絳芝九色紛相拏挹景練仙
骸萬劫方童牙唯言壽有終扶桑不爲查

空起藝文入
作室略

西王母又命侍女田四妃答歌

晨登太霞宮挹泚把玉蘭夕入玄元闕采藥掇琅玕濯
足匏瓜河織女立津盤吐納挹景雲味之當一餐紫微
何濟濟璚輪服朱丹朝發汗漫府暮宿勾陳垣去去道
不同且吝體所安二儀設猶存奚疑億萬椿莫與世人
說行尸言此難

漢武帝車子侯歌

洞仙傳曰車子侯者扶風人漢
武帝愛其清淨稍遷其位至侍

中一朝語家云我今補仙官此春應去至夏中
當暫還還少時復去如其言武帝思之乃作歌
漢武帝集曰奉車子侯暴病一日死上甚悼之
乃自為歌詩藝苑卮言曰幽蘭秀蕙的為傳語

嘉幽蘭兮延秀蕙妖姘兮中唐華斐斐兮麗景風來回
兮流芳皇天兮無慧至人逝兮仙鄉天路遠兮無期不
覺涕下兮霑裳

蘇耽歌

蘇耽桂陽人少以至孝著稱一日白母道

果已圓升舉有白母曰吾獨恃爾爾去吾
何依耽乃留一牕封鑰甚固若有所需告之如
所願也預為植橘鑿井及郡人大疫但食一橘
葉飲一泉水即愈而後一鶴降郡屋久而不去
郡僚子弟彈之鶴乃舉足畫屋若書字焉辭云

鄉原一別重來事非甲子不記陵谷遷移白骨蔽野青
山舊時翹足高屋下見羣兒我是蘇仙彈我何為翻身

雲外却返吾居。

一云耽騎白鶴來止郡城東北樓上人或挾彈彈之鶴以爪櫻樓板似漆書云

城郭雖是人民非二百甲子一來歸我是蘇仙彈我何爲

丁令威歌

見雲笈七籤搜神記曰遼東城門有華表柱忽有一白鶴集柱頭時有少年舉

弓欲射之鶴乃飛褰回空中而言遂高上冲天今遼東諸丁云其先世有昇仙者不知名字

有鳥有鳥丁令威去家千歲今來歸城郭如故人民非

何不學仙塚壘壘

洞仙傳曰丁令威者遼東人少隨師學得仙道分身任意所欲嘗暫歸化

爲白鶴集郡城門華表柱頭言曰我是丁令威去家千歲今來歸城郭如舊人民非何不學仙離塚壘遼東諸

丁譜載令威漢初學道得仙修文殿御覽所引云城郭是人民非何不學仙上去空伴塚壘壘

張麗英石鼓歌

金精山記曰漢時張芒女名麗英面有奇光不照鏡但對白紈扇如

鑑焉長沙王吳芮聞其異質領兵來聘女時年十五聞芮來乃登此山仰臥披髮覆于石鼓之

下人謂之死。丙使人往視之。忽見紫雲鬱起。遂失女所在。石上留歌一首。至今石鼓一處黑色。直下狀女垂髮時。人號為張女髮。

石鼓石鼓悲哉下土。自我來觀民生實苦。哀哉世事悠悠我意。我意不可辱。兮王威不可奪。余志有鸞有鳳。自歌自舞。凌雲歷漢。遠絕塵羅。世人之子。其如我何。暫來期會。運往即乖。父兮母兮。無傷我懷。

歌舞二字疑倒

衛羅國王女配瑛靈鳳歌

洞玄本行經曰西方衛羅國王有女字曰配瑛

與鳳共處。於是靈鳳常以羽翼扇女面。後十二年中女忽有胎。王意恠之。因斬鳳頭埋著長林丘中。女後生。女名曰皇妃。王女思靈鳳之遊好。駕而臨之。長林丘中歌曰云云。是鳳鬱然而生。抱女俱飛。逕入雲中。

杳杳靈鳳綿綿長歸悠悠我思永與願違萬劫無期何時來飛

葛仙公歌

三首真仙通鑑仙公諱玄字孝先句容人

生而秀穎天才超軼名振江左州郡辟爲掾固辭乃入赤城山精思學道赤鳥七歲八月十五日白日昇天弟子鄉朋攀戀不已於是仙公駐駕空中賦五言歌詩三篇降付鄉朋普令歌誦開悟方來

真人昔遺教愍念孤癡子嬖邪不信道禍亂由斯起身隨朝露晞悔恨何有已罪大不可掩流毒將誰理冥冥未出期劫盡方當止轉輪貧賤家仍復爲役使四體或不完蹶躄行乞市不知積罪報怨天神不恃大道常無爲弘之由善始吾今獲輕舉脩行立功爾三界盡稽首

從容紫宮裏停駕虛元中。人生若流水。臨別屬素翰。粗
標靈妙紀。

我今便昇天。愍念諸儒英。大道體虛無。寂寂中有精視
之。若冥昧窈窕中。昭明莫言道。虛誕所患。不至誠矣。不
登名山。誦是洞真經。一諷而一詠。玄音徹太清。太上輝
金容。衆仙齊應聲。十方散香花。燔煙梅檀馨。皇娥奏九
韶。鸞鳳諧和鳴。龍駕翳空迎。華蓋曜杳冥。脩閑劫仞臺。
帝釋歛降庭。八王奉丹液。挹漱身騰輕。逍遙有無間。流
朗絕形名。神童俠侍側。自然朝萬靈。飄飄八景輿。遊行
白玉京。七祖昇福堂。先亡悉超生。王侯能篤信。必爲天

卷五十一
下貞大人體至德一切蒙其成

散誕遊山水吐納靈和津鍊氣同希夷靜詠道德篇至
心宗玄一冥感今乃宣飛駕御九龍飄飄乘紫煙華景
曜空衢紅雲擁帝前暫迂蓬萊宮倏忽已賓天偉偉衆
真會渺渺凌重玄體固無終劫金顏隨日鮮歡樂太上
境悲念一切頑誰能離外壞結是冥中緣悠悠成至道
無有人無間微妙良難測智者謂我賢若能弘衆妙輕
舉昇神仙

太一作人
頑一作人

四真人降魏夫人歌

真仙通鑑曰魏夫人齋于別
寢忽有太極真人方諸青童

扶桑神王清虛真人來降授夫人八索隱書黃
庭等經於是四真吟唱各命玉女彈琴擊鍾吹

簫合節而發太極發排空之歌青童吟太霞
之曲神王諷晨啓之章清虛詠駕歛之辭

太極真人歌

丹明煥上清八風鼓太霞迴我神霄輦遂造玉嶺阿咄
嗟天地外九圍皆吾家上採日中精下飲黃月華靈觀
空無中鵬路無間邪顧見魏賢安濁氣傷爾和勤研玄
中思道成更相過

九圍一作圍圍賢安
夫人字更一作矢

方諸青童歌

太霞扇晨暉九氣無常形玄轡飛霄外八景乘高清手
把玉皇袂攜我晨中生盼觀七曜房朗朗亦冥冥超哉
魏氏子有心復有精玄挺自嘉會金書東華名賢安密

所研相期賜谷汧

太霞扇晨暉一作七霞扇
晨曜賜谷汧一作洛陽宮

扶桑神王歌

晨啓太帝室夕越匏瓜水碧海飛翠波連峰亦嶽峙浮
輪雲濤際九龍同轡起虎旗鬱霞津靈風幡然理華存
久樂道遂致高神擬拔徙三緣外感會乃方始相期陽
洛宮道成携魏子

虎一作羽華
存夫人名

清虛真人歌

二首

歛駕控清虛裴回西華館瓊林旣神杪虎旂逐煙散慧
風振丹旂明燭朗八煥解襟墉房裏神鈴鳴蒨粲棲景
若林柯九絃玄中彈遺我積世憂釋此千年歎怡盼無

極已於夜復待旦

瓊林既神妙一作華館嘆論張
墟一作柯一作阿絃一作氣

紫霞舞玄空神風無網領歛然滿八區
僊爾豁靈境八窗無常朗有冥亦有炁
洞觀三丹田寂寂生形景凝神泥丸內
紫房何蔚炳大帝命我來有以應神挺
相遇女弟子雲姿卓鑠整愧無郢石運
益彼自然穎勤密攝生道泄替結災青
靈期自有時攜袂陟松嶺

風一作方僊
一作祝靈境

一作虛靜
丹一作景

王母贈魏夫人歌

西王母傳曰紫虛元君魏華存
夫人清齋於陽洛隱元之臺西

王母與金闕聖君降於臺中乘八景輿同詣清
虛上宮傳玉清隱書四卷授華存是時三元夫
人馮雙禮紫陽左仙石路成太極高仙伯延益
公子西成真人王方平太虛真人南嶽赤松子

桐柏真人王子喬等並降夫人小有清虛上宮絳房之中時夫人與王君爲賓主焉設瓊酥綠酒金觴四奏各命侍女陳曲成之鈞於是王母擊節而歌

駕我八景輿歛然入玉清龍旌拂霄漢虎旂攝朱兵逍遙玄津際萬流無暫停哀此去留會劫盡天地傾當盡無中景不死亦不生體彼自然道寂觀合太冥南嶽挺真幹玉映輝穎精有任靡期事虛心自受靈嘉會絳河曲相與樂未央

漢一作上精一作其

雙禮珠彈雲璈而答歌

玉清出九天神館飛霞外霄臺煥嵯峨靈夏秀蔚翳五華興翠華八風扇綠氣仰吟消魔詠俯研智與慧萬真

啓晨景唱期絳房會挺穎德音子神映乃拂沛天嶽凌
空樣洞臺深幽遂遊海悟井隘履真覺世穢僊輪宴重
空筌魚自然廢迴我大椿羅長謝朝生世

高仙盼遊洞靈之曲

玉皇又命欽生入隱室見上清元君龜山君於是二真乃

各命侍女王延賢于廣運等彈雲林琅玕之璫
安德音范四珠擊昆明之筑左抱容韓賢賓吹
鳳鸞之簫趙運子李慶玉拊流金之石辛
白鵠鄭辟方燕婉來田雙連等四人合歌

玉室煥東霞紫輦浮絳晨華臺何昉日此宴飛天元清
靜太無中眇眇躡景遷吟詠大洞章唱此三九篇曲寢
大漠內神王方寸間寂室思靈暉何事苦林山須臾變
哀翁迴爲孩中顏

太上宮中歌

此歌正言耳目之經也南嶽夫人喻許長史

手把八雲氣英明守二童太真握明鏡鑒合日月鋒雲
儀拂高闕驕女坐玄房愈行愈鮮盛英靈自爾通

雲林與衆真吟詩十首

真誥翼真檢曰併衿接景楊安以灼然顯說凡所興

有待無待諸詩及辭喻諷旨皆是雲林應降紫
僊侯事義並亦表著而南真自是訓授之師紫
微則下教之匠並不關儔結之例但中候昭靈
亦似別有所在既事未一時故不正的的爾其
餘男真或陪從所引或職司所任至如二君最
爲領據之主今人讀此辭事若不悟斯理者永
不領其旨故畧標
大意宜共密之

駕歛教八虛徊宴東華房阿母延軒觀朗嘯躡靈風我
爲有待來故乃越滄浪

右英王夫人歌

乘飈遡九天自駕三秀嶺有待
裴回盼無待故當淨滄浪
奚足勞孰若越玄井

右紫微夫人答英歌

寫我金庭館鮮駕三秀畿
夜芝披華鋒咀嚼充長饑
高唱無逍遙各興無待歌
空同酬靈音無待將如何

鋒謂應作

峰字

右桐柏山真人歌

王子喬

朝遊鬱絕山夕偃高暉堂
振轡步靈鋒無近於滄浪
玄井三仞際我馬無津梁
儵歛九萬間八維已相望
有待

非至無靈音有所喪

鋒謂應作峰字

右清靈真人歌

裴玄仁

龍旂舞太虛飛輪五嶽阿所在皆逍遙有感興冥歌無待愈有待相遇故得和滄浪奚足遠玄井不爲多鬱絕尋步間俱會四海羅豈若絕明外三劫方一過

右中候夫人歌

縱酒觀羣惠儵忽四落周不覺所以然實非有待遊相遇皆歡樂不遇亦不憂衆影玄空中兩會自然疇

右昭靈李夫人歌

駕歛發西華無待有待間或眇五岳峰或濯天河津釋

輪尋虛舟所在皆纏綿芥子忽萬頃中有須彌山小大
固無殊遠近同一緣彼作有待來我作無待親

右九華安妃歌

無待太無中有待大有際大小同一波遠近齊一會鳴
絃玄霄顛吟嘯運八氣奚不酣靈液眇目娛九裔有無
得玄運二待亦相益

右太虛南岳真人歌

赤松子

偃息東華靜揚輶運八方俯盼丘垤間莫覺五岳崇靈
阜齊淵泉大小互相從長短無少多大椿須臾終奚不
委天順縱神任空同

右方諸青童君歌

控飈扇太虛八景飛高清仰浮紫晨外俯看絕落冥玄
心空同間上下弗流停無待兩際中有待無所營體無
則能死體有則攝生東賓會高唱二待奚足爭命駕下
錦輪僊轡仰裴回朝遊朱火宮夕宴夜光池浮景清霞
杪八龍正參差我作無待遊有待輒見隨高會佳人寢
二待互是非有無非有定待待各自歸

東賓東嶽上卿大茅君也

右南極紫元夫人歌

紫微夫人歌

真誥翼真檢曰紫微夫人名青娥字愈音王母第二十女也晉興寧二年

降楊羲之家按紫微夫人詩共十七首而此下三首爲歌故聊摘入

龜闕鬱巍巍，墉臺落月珠。列坐九靈房，叩璫吟太無。

玉簫和我神，金醴釋我憂。

九月三日

又

宴酣東華內，陳鈞千百聲。青君呼我起，折腰希林庭。羽
帔扇翠暉，玉佩何鏗零。俱指高晨寢，相期象中冥。

紫微歌此

二篇

紫微夫人歌此

考真誥當是丙寅二月三十日此亦叙方諸東華之勝也

褰裳濟淶河，遂見扶桑公。高會太林墟，賞宴玄華宮。信
道苟淳篤，何不棲東峰。

四月十四日夕右英夫人吟歌此曲

雲林右英夫人名媚蘭字

申林王母第十三女受書爲雲林宮右英夫人
晉興寧二年諸真同降於楊君按共詩二十五

首今亦重

取爲歌者

玄波振滄濤洪津鼓萬流駕景眇六虛思與佳人遊妙
唱不我對清音與誰投雲中騁瓊輪何爲塵中趨

方諸宮東華上房靈妃歌曲

楊君記云東方赤氣中有言曰小鮮未烹

鼎言我巖下悲當以此事諮啓
司命故答稱此詩仍及下篇也

紫桂植瑤園朱華聲悽悽月宮生藥淵日中有瓊池左
拔員靈曜右掣丹霞暉流金煥絳庭八景絕煙迴綠蓋
浮明朗控節命太微鳳精童華顏琳腴充長饑控晨揖
太素乘歛翔玉墀吐納六虛氣玉嬪把巾隨彈璫南雲

扇香風鼓錦披叩商百獸舞六天攝神威儵歛億萬椿
齡紀鬱巍巍小鮮未烹鼎言我巖下悲

太微玄清左夫人北停宮中歌曲

停一作淳
興寧三年乙丑

十二月十七日夜太元真人司命君書出此
詩云是青童宮中內房曲恒吟讚此和神

鬱藹非真墟太無爲我館玄公豈有懷縈蒙孤所難落
鳳控紫霞矯轡登晨岸寂寂無濠涯暉暉空中觀隱芝
秀鳳丘逡巡瑤林畔龍胎嬰爾形八瓊迴素旦琅華繁
玉宮結葩凌巖架鵬扇絕億領拊翮扶霄翰西庭命長
歌雲璈乘虛彈八風纏綠宇叢煙豁然散靈童擲流金
太微啓壁案三元折腰舞紫皇揮袂讚朗朗扇景曜曄

樂苑
卷五
三
曄長庚煥超駟聳明刃下晒使我惋顧哀地仙輩何爲

棲林澗

庭一作度

杜廣平常喜歌

一章杜契字廣平京兆杜陵人建安初渡江依孫策黃武二年學道

隱居華陽

淳景翳廣林。暖日東霞升。晨風舞六煙。勃鬱八道騰。五

嶽何必秀。名山亦足陵。矯首躡洞阜。棲心潛中興。吐納

胎精氣。玄白誰能勝。

保命君告許虎牙保命者三官保命司茅思和

敬玄子歌

洞仙傳曰敬玄子者脩行中部之道存道守三一常歌曰

遙望崑崙山下有三頃田。借問田者誰。赤子字元先。上

生烏靈木。雙闕夾兩邊。日月互相照。神路帶中間。採藥

三微嶺飲漱華池泉遨遊十二樓偃蹇步中原意欲觀
絳宮正值子丹眠金樓凭玉几華蓋與相連顧見雙使
者博著太行山長谷何崢嶸齊城相接鄰縱我飛龍轡
忽臨無極淵黃精生泉底芝草披岐川我欲將黃精流
丹在眼前徘徊飲流丹羽翼奮迅鮮意猶未策外子喬
提臂牽所經信自險所貴得神仙

鳥一作二
間一作天

郭四朝扣船歌

四首符秦時人見雲笈七籤洞仙傳曰郭四朝者燕人也秦時得道

來句曲山南所住處作塘過澗水今深基墟垣
牆今猶有可識處四朝乘小船遊戲其中每扣

船歌

曰

清池帶靈岫長林鬱青葱玄鳥翔幽野悟言出從容鼓

樂苑 卷三十一
檝乘神波稽首希晨風未獲解脫期逍遙丘林中

晨風謂上

清玉晨之風非毛詩所稱鵠彼晨風之鳥也

浪神九陔外研道還全真戢此靈鳳羽藏我華龍鱗高

舉方寸物萬吹皆垢塵顧哀朝生蟪孰盡汝車輪

女寵不蔽

席男愛不盡輪朝生蟪蛄也以喻人之在世易致消歇 蟪一作輩

遊空落飛颺靈步無形方圓景煥明霞九鳳唱朝陽揮

翩扇天津曉藹慶雲翔遂造太微宇挹此金梨漿逍遙

玄陔表不存亦不亾

玄陔九陔也皆入極之外九霞之頂名也飛登木星亦云朗東陽之

陔故若士語盧敖云與汗漫期於九陔之上也

駕歟舞神霄披霞帶九日高皇齊龍輪遂造九華室神

虎洞瓊林風雲合成一開闔幽冥戶靈變玄跡滅

四朝為玉

臺執蓋郎故云高皇齊
龍輪風雲一作香風

李仙君歌

見桓真人昇仙記蜀華蓋山李桓仙君
授道桓凱真人仙君一日謂凱曰金丹

大藥子得之矣飛步隱身諸訣汝
皆洞曉但未聞大道耳遂歌曰

金鼎天門開反童復嬰孩日月照崑崙真君自然來三
年結黃雲千日成聖胎九年登金闕一紀升三台龍虎
自然交上帝安金臺衆神仰天表忻慕心裴回子今受
靈文專心如灰灰積功十二年功畢登雲梯白光生圓
象紫氣冲雲霓端虛念太乙浩劫天地齊

桓真人唱詩

桓真人昇仙記曰陶隱居先生謂弟
子曰予夜夢神光滿室彩雲連霄有

金甲神人謂予曰明日有異人至汝當掃門待之日午桓凱真人果至披髮跣足唱詩曰

黃花生紫雲日月周天輪混混太虛中不與衆生羣崑崙十二峰上帝朝萬巡一日功行滿升空謁元君

武夷君人間可哀之曲

陸鴻漸武夷山記云武夷君地官也相傳每於八月

十五日大會村人於武夷山上置幔亭化虹橋通山下村人既往是日太極玉皇太姥魏真人武夷君三座空中告呼村人爲曾孫汝等若男若女呼坐乃命鼓師張安凌等作樂行酒令歌師彭令昭唱人間可哀之曲其詞曰

天上人間兮會合踈稀日落西山兮夕鳥歸飛百年一餉兮志與願違天宮咫尺兮恨不相隨

內經真諺

子欲夜書當脩常居

眉後小穴中爲上元六合之府主
化生眼暉如瑩精光長珠徹童保

鍊日神是真人坐起之
上道一名曰真人常居

長生諺

真誥曰楊羲夢遊蓬萊山會蓬萊仙公洛
廣休既下山半見許主簿相逢於夾石之

間公語主簿曰吾爲汝置酒四升在山
上可往飲之此太平家酒治人腸也諺曰

欲得長生飲太平

古樂苑卷第五十一

終

古樂苑卷第五十二

西吳 梅鼎祚 補正

東越 呂胤昌 校閱

鬼歌曲辭 謠語附

鬼歌詩者斯為志性述異耳彼其取精已多游魂為變著于聲響覃及歌吟寓宙大矣抑豈必盡誣誕哉今亦摘錄以庶夫存而不論焉

紫玉歌

搜神記曰吳王夫差小女名玉悅童子韓重欲嫁之不得乃結氣而死重游學歸往弔之玉形見於墓側顧重延頸而歌曰

南山有鳥北山張羅意欲從君讒言孔多悲結成疹沒命黃墟命之不造宛如之何羽族之長名為鳳皇一日

失雄三年感傷雖有衆鳥不爲匹雙故見鄙姿逢君輝

光身遠心近何曾暫忘

意欲一作志願命一作身見去聲近一作邇曾一作當

郭長生吹笛歌

幽明錄曰永嘉中太山民巢氏先爲相縣令居在晉陵家婢採薪忽

有一人追隨婢還家不使人見與婢宴飲輒吹笛而歌歌云

閑夜寂已清長笛亮且鳴若欲知我者姓郭字長生

王敬伯宛轉歌

晉書曰王敬伯會稽餘姚人爲衛佐休假還鄉過吳維舟渚中昇亭

而宿是夜月華露輕敬伯鼓琴感劉惠明亡女告敬伯就體如平生敬伯撫琴而歌女乃和之

低露下深幕垂月照孤琴空絃益霄淚誰憐此夜心

歌宛轉情復哀願爲煙與霧氛氲同共懷

亦見續齊諧記已載前琴

歌中無王敬伯前歌女歌小異今復載此

青溪小姑歌

二首吳均續齊諧記曰會稽趙文韶

秋夜步月。懷焉思歸。乃倚門唱烏飛曲。忽有青
衣年十五六許。詣門曰。女郎聞歌聲。有悅人者。
逐月遊戲。故遣相問。文韶都不之疑。遂邀暫過。
須臾女郎至。年可十八九許。容色絕妙。謂文韶
曰。聞君善歌。能爲作一曲否。文韶卽爲歌。草生
磐石下。聲甚清美。女郎顧青衣取箜篌。鼓之。冷
泠似楚曲。又令侍婢歌繁霜。自脫金簪。扣箜篌
和之。婢乃歌曰。云云。留連宴寢。將旦別去。以金
簪遺文韶。文韶亦贈以銀盃。及瑠璃七。明日於
青溪廟中得之。乃知昨所見青溪神女也。按于
寶搜神記曰。廣陵蔣子文。嘗爲秣陵尉。因擊賊
傷而死。吳孫權時。封中都侯。立廟鍾山。異苑曰。
青溪小姑。蔣
族第三妹也。

日暮風吹葉落。依枝丹心寸意愁。君未知。

歌闕夜已久。繁霜侵曉幕。何意空相守。坐待繁霜落。

盧山夫人女婉撫琴歌

祖台志恠曰建康小吏曹著見盧山夫人夫人命女

婉與著相見婉見著欣悅命婢瓊林取琴出婉撫琴歌曰云云歌畢婉便還去

登廬山兮鬱嵯峨。晞陽風兮拂紫霞。招若人兮濯靈波。欣良運兮暢雲柯。彈鳴琴兮樂莫過。雲龍會兮樂太和。

陳阿登彈琴歌

幽明錄曰句章人至東野還暮不至門見路傍有小屋燈火因投寄

止宿有一小女不欲與丈夫共宿呼鄰家女自伴夜共彈琴箏篴至曉此人謝去問其姓字女不答彈琴而歌曰云云明至東郭外有賣食母在市中共此人寄坐因說昨所見母聞驚曰是我女近死葬於郭外

連綿葛上藤一緩復一絀欲知我名姓陳名阿登

陵欣歌

異苑曰建康陵欣景平中死於揚州作部尅辰當葬作部督夢欣云今爲獄公姥祖

夕有期莫由自反勞君解謝今得放遣督不信
夜後又夢言辭轉切因歌一曲云督覺爲謝從
此便絕

生時世上人死作獄中鬼不得還墳墓死沒有餘罪

聶包鬼歌

劉叔敬異苑曰臨川聶包死數年忽詣南豐相沈道襲共飲其歌笑甚有倫次

每歌云

花盈盈正聞行當歸不聞死復生

鬼仙歌謠

出異苑

登阿儂孔雀樓遙聞鳳皇鼓下我鄒山頭彷彿見梁魯

燉煌父老夢語

晉書曰涼後主歆字士業嗣父盛爲凉公領凉州牧護羌校尉士業

立而宋受禪聞沮渠蒙遜南伐禿髮擣檀士業率步騎二萬攻張掖與蒙遜距戰爲蒙遜所害

先是有燉煌父老今狐熾夢白頭公衣帟而謂熾曰云云言訖忽不見士業小字桐樵至是而亡

南風動吹長木胡桐樵不中轂

憲呼祁孔賓

晉書曰祁嘉字孔賓酒泉人少清貧好學年二十餘夜聽中有聲呼曰云

云旦而逝去西至燉煌依學官誦書遂博通經傳精究大義西遊海渚教授門生張重華徵爲儒林祭酒在朝卿士郡縣守令受業者二十餘人竟以壽終

祁孔賓祁孔賓隱去來隱去來脩飾人世甚苦不可諧所得未毛銖所喪如山崖

相輪鈴音

晉書曰劉曜自攻洛陽石勒將救之羣下咸諫以爲不可勒以訪佛圖澄澄曰

相輪鈴音云云此偈語也支秀軍也替戾岡出也僕谷劉曜胡位也勛禿當捉也此言軍出捉

得曜也勒遂赴
洛拒曜生擒之

秀支替戾岡僕谷劬禿當

鬼謠

異苑曰句章吳平門前忽生一株青桐樹上有謠歌之聲平惡而砍殺平隨軍北虜首尾

三載死桐斂自還立於故根上又聞樹巔空中歌曰云云平尋歸如鬼謠

死樹今更青吳平尋當歸適聞殺此樹已復有光輝

鐵臼歌

顏之推
冤魂志

桃李花嚴霜當奈何桃李子嚴霜落已

犬妖歌

述異記曰嘉興縣朱休之有一弟宋元嘉中兄弟對坐家有一犬來向休之蹲遍視

二人遂搖頭而笑曰云云其家驚懼斬犬榜首路側至來歲梅花時兄弟相鬪弟奮戰傷兄官收治並被囚繫經歲得免至夏舉家時疾母及兄弟皆死

言我不能歌聽我歌梅花今年故復可奈汝明年何

鳥妖詩

南史曰陳之將亾有鳥一足集其殿庭以紫畫地成文曰云云解者以爲獨足蓋指

後主獨行無衆茂草言荒穢也隋承火運草得火而後灰及後主至長安館於都水臺所謂上

高臺當水開者其言皆驗

獨足上高臺茂草變爲灰欲知我家處朱門當水開

古樂苑卷第五十二

終





